

[**KAUTUSANG TAGAPAGPAGANAP BLG. 60,**
December 19, 1963]

**NAGPAPAHAYAG NA ANG PAMBANSANG AWIT NG PILIPINAS AY
DAPAT AWITIN LAMANG SA TITIK NITONG PILIPINO**

SAPAGKA'T ang pagpapaunlad at pagpapalaganap ng Wikang Pambansang Pilipino ay isa sa mga pangarap ng mga bayani ng lahi bukod pa sa ito'y itinatadhana sa Saligang-Batas ng ating Republika;

SAPAGKA'T ang ilang pangyayaring nagaganap dito sa ating kapuluan, lalung-lalo na sa ibang bansa bagay sa pag-awit sa wikang banyaga ng ating Pambansang Awit ay lubhang kapansin-pansin at hindi naaayon sa diwa ng ating pagkabansa; at

SAPAGKA'T ang Wikang Pilipino ay isa na sa ating mga wikang pampamahalaan.

DAHIL dito, akong si Diosdado Macapagal, Pangulo ng Republika ng Pilipinas, sa bisa ng kapangyarihang ipinagkakaloob sa akin ng batas at bilang pagbibigay-buhay sa layunin ng Saligang-Batas at ng Batas ng Komonwelt Blg. 570, ay nagpapahayag at nag-utos sa pamamagitan nito na ang Pambansang Awit ng Pilipinas ay awitin sa mga titik lamang nito sa Wikang Pilipino sa alin mang pagkakataon, maging dito o sa ibang bansa man.

Inilagda sa Lunsod ng Maynila, ngayong ika-labinsiyam ng Disyembre, sa taon ng Ating Panginoon, labinsiyam na raan at animnapu't tatlo.

(Lagda) **DIOSDADO MACAPAGAL**
Pangulo ng Pilipinas

Atas ng Pangulo:

(Lagda) **RUFINO G. HECHANOVA**
Kalihim Tagapagpaganap



Source: Supreme Court E-Library

This page was dynamically generated by the E-Library Content Management System (E-LibCMS)